



U.S. Citizenship and Immigration Services

Charmorro

CW-1 na Visa: CNMI-ha' Transisionát na Fafacho'cho'

I CNMI-ha' na Transitionát na Fafacho'cho' (CW) na visa klasifikasion ha sedi manámu siha giya i SanKattan Siha na Islas Marianas (CNMI) para u fanmanaplika ti petmanente na petmission para u fanenggansa ti immigrante na fafacho'cho' sanhiyong siha ni' ti mangkualifikao para u fanmacho'cho' gi otro na ti immigrante na fafacho'cho' katigurát siha. I CW na klasifikasion ha pribeni un manera nai siña matulaika i etába na sisteman pinetmiti para fafacho'cho' sanhiyong siha giya i CNMI asta i U.S. na sisteman immigrasion.

I CW na ti immigrante na klasifikasion sesso mafana'an:

- CW-1: Un CNMI-ha' na transisionát na fafacho'cho'
- CW-2: I dependente un CNMI-ha' na transisionát na fafacho'cho'

Hafa Fuetsao gi Henerát para u Kualifikao

Manámu Siha

Para u kualifikao para fafacho'cho' siha ni' CW visa na estao, i manámu siha debi di:

- Bumisbisnes ni' lihitimu**
- **Konsidera todú guaguaha na U.S. na fafacho'cho' para i che'cho' finenina.**
- **Ofresi kondision para maempleha ni' umaya yan i bidada-ña i bisnes i amu giya i CNMI;**
- Naháalom i nisisario na dokumento siha para u fanenggansa transisionát na fafacho'cho' siha.
- Kumple todú ni' fuetsao ginnen i Federát yan CNMI put emplehu, Put hemplo, ti diskriminasion, sinafu che'cho' yan hafa fuetsao put i mas takpappa' na pusipble na suetdo siha
- Apási un rasonapble na gasto i binira tátte para i fafacho'cho' asta i uttimo na lugát gi hiyong i CNMI, yanggen matetmina ti bulontariamente ginnen i che'cho' para maseha hafa na ráson antes di i makpo' i tiempon na mautorisa na hinalom.

** un lihitimu na bisnes un "magáhet, áktibu, yan macho'cho'cho' kometsiante pat "entrepreneurial" na aktibidát ni' fumatitinas setbisio pat benta para probechu, pat un gubietnamento, karitátibu pat un otro na propiu na marekognisa na ti para probechu na otgánasion. I bisnes debi di ha satisfecho hafa fuetsao para bumisbisnes giya i CNMI. Ti makonsidera un bisnes komo lihitimu yanggen ha cho'cho'gue putasion, kinnenne'guan taotao pat maseha hafa otro na aktibidát ni' ti ligát gi pappá' i lawi Federát pat CNMI.

Mamfacho'cho' Siha

Un facho'cho' sanhiyong siña ma klasifika komo CW-1 ti immigrante gi duranten i siklon transision yanggen:

- Ti kualifikao para maseha otro na ti immigrante na estao put emplehu gi pappa; U.S. na lai immigrasion
- Para u hãlom pat sãga' giya i CNMI ya facho'cho' gi i katigurãt cho'cho' ni' masenñala na ha nisisita facho'cho' sanhiyong siha para u ayuda i esta guaguaha na residente na manmacho'cho'cho'
- Beneficiary gui' ginnen un petition ni' un lihitimu na ãmu ni' gaibisnes giya i CNMI ha na'hãlom;
- Taigue gui' giya i Estãdos Unidos fuera di iya i CNMI
- Ligãt i gaige-ña giya i CNMI yanggen esta gaige gui' giya i CNMI
- Sino humãlom giya i Estãdos Unidos pat esta manã'i ni' un nisisario na "waiver" para un "ground of inadmissibility."

Taimanu Manaplika: Estao CW-1 yan CW02

Manãmu Siha

Yanggen Hagu	Dedi di un	Yan
Kao mama'petition hao para unu pat mas na facho'cho' ni' gaige gi ligãt giya i CNMI yan un estao federãt ti immigrante (put hemplo, F-1 pat H-1B)	Na'hãlom un Form I-129CW yan i \$325 na ãpas inaplika	Debi di un entrega lokkue' i nisisario na \$150 "CNMI education funding fee" para kada na "beneficiary."
Mama'petition para unu pat mas na facho'cho' siha ni' manggaige gi ligãt giya i CNMI yan un "permit" pat un atoridãt "parole" ni' nina'i ni' i USCIS pat CBP	Na'hãlom un Form I-129CW yan i \$325 na ãpas inaplika	Debi di un entrega un nisisario "CNMI education funding fee" \$150 para kada na beneficiary. Maseha Hãgu pat i facho'cho' debi di un entrega lokkue' un \$85 na "biometrics" na ãpas yanggen manggagagao hamyo "Grant of Status" giya i CNMI.*
Kao mama'petition hao para unu pat mas na facho'cho' siha ni' manggagagao "consular processing" ginnen un otro nasion	Na'hãlom un Form I-129CW yan i \$325 na ãpas inaplika	Debi di un entrega un nisisario "CNMI education funding fee" \$150 para kada na beneficiary. Mungga manentrega "biometrics" na ãpas. Un ãpas "biometrics" siña fuetsao ni' i Department of State annai manaplika gui' para iyo-ña visa gi un otro na nasion.
Kao manggagagao inekstenden i CW na estao para un ti immigrante na facho'cho'	Na'hãlom un Form I-129CW yan i \$325 na ãpas inaplika	Debi di un entrega un nisisario "CNMI education funding fee" \$150 para kada na beneficiary.

Mamfacho'cho' Siha

Facho'cho' sanhiyong ni' sumasãga' yan macho'cho'cho' gi ligãt giya i CNMI

1. Siña manrisibi hao CW na estao kontat ki i amu-mu ha entrega todú este na dokumento siha:

- Un Form I-129CW, Petition para un CNMI-ha' Ti Immigrante na Transisionát na Fafacho'cho' yan i apas inaplika
- Un nisisario na \$150 ápas put edukasion.
- Ebidensia ni' klumáruyi na i infotmasion un na'ná'i put Hågu, i amu, i che'cho' kao dinanche yan kao ha satisfecho i nisisidát para kualifikao.

Yanggen i gaige-mu giya i CNMI gi ligát put i CNMI na pinetmiti pat "parole" ni' inatorisa ni' i USCIS pat CBP, i amu debi di ha na'hålom lokkue' i apas "biometrics" yan i petition komo manggagagao CW-1 na estao gi halom i CNMI enlugát di gi hiyong i CNMI.

2. Gi meggai na situasion anai un "direct grant of status" giya i CNMI magagao, despues di i amu ha na'hålom i Form I-129CW, I USCIS para u ágang i amu-mu ya abisa gui' na debi di un falak i USCIS Application Support Center gi i TSL Plaza giya Saipan ya guihi u machule' iyo-mu fingerprints yan litrátú siha. Este para u na'cho'gue i DHS ni' fuetsao na chek siha put siguridát.
3. Yanggen maapreba iyo-mu Form I-129CW, i USCIS para u kattáyi i amu-mu ni' notisian inapreba. Siempre Guiya para u ná'i hao ni' kopian i dokumento. I notisian inapreba para u na'tungo hao kao maná'i hao ni' CW-1 na estao giya i CNMI (siempre guaha Arrival-Departure Record Form I-94), pat kao nisisita na un falak un U.S. na embassy pat consulate gi hiyong i CNMI para guihi para u macho'gue iyo-mu CW-1 na visa.

Nasionát sanhiyong na fafacho'cho' ni' sumasága' gi hiyong i CNMI lao umespipiha emplehu giya i CNMI

1. I amu-mu debi di ha entrega todú este na dokumento siha:
 - **Un Form I-129CW, Petition para un CNMI-ha' Ti Immigrante na Transisionát na Fafacho'cho'** yan i apas inaplika
 - Un nisisario na \$150 ápas put edukasion.
 - Ebidensia ni' klumáruyi na i infotmasion un na'ná'i put Hågu, i amu, i che'cho' kao dinanche yan kao ha satisfecho i nisisidát para kualifikao.
2. Yanggen maapreba i petition, i USCIS para u kattáyi i amu-mu ni' notisian inapreba. I amu-mu para u nisisita muna'hanaoggue hao ni' i orihinát na notisian inapreba para i gima'-mu gi hiyong i CNMI.
3. Despues di un risibi i notisian inapreba, para un nisisita mama'tinas ti immigrante visa na interview gi i U.S. na Consulate pat i mas hihot na Embassy giya Hågu.

Beneficiaries kon Mandependente Siha

Mandependente siha giya i CNMI ni' umespipiha CW-2 na estao siña ma na'hålom un Form I-539 achagigu na humahålom iyo-ña I-129CW para i CW-1 na prinsipát, gigon na i CW-1 na petition maentrega ni' i amu. Achokka' i mandependente siña ma nangga esta ki maaksepta i CW-1 na petition, DEBI DI u fanggaige gi ligát giya i CNMI annai ma na'hålom iyon-ñiha na I-539s, osino ti mankualifikao para u fanmarisibi CW-2 na estao giya i CNMI. Este kumekeilekña na i dependente-mu siha siña ma nisisita muna'hålom i

I-539 antes di i I-129CW kosaki siña ma konsigi kumualifikao para CW-2 na estao. CW-2 na estao ti ha atorisa emplehu.

Yanggen	Yan	Pues
Manrisibi hao CW-1 na estao, maseha humalom hao para i CNMI yan un CW-1 na visa, pat manrisibi hao notisian inapreba yan un I-94.	I mandependente-mu siha (asagua yan famagu'on ni' hobenña kinu 18 años) manggagaige gi ligåt giya i CNMI.	Siña ma na'hålom: <ul style="list-style-type: none"> • Un Application to Change or Extend Status, Form I-539 • I apas filing • I apas setibison "biometrics" • Un dokumento ni' muna'kláru na mana'hålom hao para i CNMI ni' CW-1 na klasifikasion Yanggen maapreba i Form I-539, i USCIS para u na'hanaoggue iyo-mu beneficiaries ni' notisian inapreba yan un I-94 komo ebidensia para i maapreba na Form I-539.
Manrisibi hao CW-1 na estao, maseha humalom hao para i CNMI yan un CW-1 na visa, pat manrisibi hao notisian inapreba yan un I-94.	I Mandependente-mu siha (asagua yan famagu'on hobenña kinu 18 años) mañasága' gi hiyong i CNMI,	Siña manmanaplika CW-2 na visa. I Department of State guaha iyo-ña nisisario na areklamento siha put inaplika yan apas para manapliplika visa guihi.
Manggagagao hao "consular processing" para i CW-1 na estao gi un U.S. Consulate pat Embassy gi hiyong i CNMI,	I mandependente-mu siha (asagua yan famagu'on ni' hobenña kinu 18 años) mañasága' gi hiyong i CNMI,	Siña manmanaplika siha CW-2 na visa siha achagigu. I Department of State guaha iyo-ña nisisario na areklamento siha put inaplika yan apas para manapliplika visa guihi.

Inapmam i Sinaga'

La'la'la' i CW na estao para un año. Debi di un "register" ta'lo para CW na estao pat chule' un otro na klasin INA ti immigrante pat immigrante na klasifikasion osino ti ligåt i gaige-mu giya i CNMI.

Matetmina i Emplehu

Mumalingu i estao un fafacho'cho' sanhiyong ni' gaiCW na ti immigrante na estao anggen ha yamak maseha hafa na kondision ni' nisisario para i CW na estao. Annai i kontradiksion solu ginnen i matetminã-ña ginnen i che'cho'-ña, ti makonsidedera i mumalingu i estao-ña anggen dentro di 30 na dihas desde ki matetmina, mañodda' gui' nuebu na emplehu yan i nuebu na ámu ha na'hålom un ti attamos na petition para Guiya. Lao maolek ha' este kontat ki i fafacho'cho' sanhiyong ti ha yayamak maseha hafa otro na kondision para CW na estao.

Yanggen mañodda' nuebu na emplehu, i nuebu na ámu debi di ha na'hålom un petition para i fafacho'cho' sanhiyong antes di makpo' este na 30 na dihas na tiempo, osino i gaige-

ña i fafacho'cho' ti ligåt giya i CNMI. I fafacho'cho' sanhiyong siña ha tutuhun gi as i nuebu na åmu solu despues di i amu ha nahålom i petition.

Yanggen ti manahålom i petition dentro di 30 days, i fafacho'cho' sanhiyong debi di ha dingi i CNMI, ya u makonsidera na mumapos i estao-ña annai matetmina gui' gi CW-1 na emplehu. Maseha hafa na petition ni' manahålom para ayu na fafacho'cho' despues di ayu na 30 na diha na tiempo para u nisisita un maapreba na petition yan un CW na visa ni' manâi gi un "consulate" gi hiyong i CNMI, antes di siña humålom tåtte i fafacho'cho' sanhiyong giya i CNMI ya tutuhun gi i nuebu na checho-ña.

Hinanao

Gigon un risibi i estao CW, siña un dingi i CNMI, lago debi di un chuchule' i propiu na visa anggen malago' hao bumira tåtte. Yanggen un risibi i CW-1 pat CW-2 estao-mu gi durante sumasåga' hao giya i CNMI, para un risibi un Arrival-Departure Record, Form I-94, ni' dokumentasion i CW estao-mu. Lao, i Form I-94 ha' ti nahong para un hålom tåtte para i CNMI. Pues, para un nisisita fanrisibi CW na visa gi un U.S. na embassy pat consulate gi hiyong i CNMI antes di siña un bira tåtte para i CNMI kosaki siña manaplika hao para himalon ta'lo.

I Department of State guaha iyo-ña nisisario na areklamento siha put inaplika yan apas para manapliplika visa guihi. Para mas infotmasion put humahanao gi hiyong i CNMI, put fabot bisita i [Department of State](#) na webste.

Komo un taotao ni' gaiCW na estao, ti siña humanao hao para maseha hafa otro na påtte i Estådos Unidos, fuera di i mannasionåt Filipinas ni' siña manhålomñaihon giya i fambatkonaireyan Guahan annai manhahanao siha gi entre i Filipinas yan i CNMI.